

Ingerlatseqatigiiffiit Kalaallit Nunaannilu oqartussaasut whistleblowerreqarnissamut aaqqissuussinissamut (kinaassutsimik ersersitsisuunngitsumik ilisimasamik ingerlatitseqqisinnaanermut periarfissiisumik) malittarisassiuunneqarnissaannut Naalackersuisut peqquneqarnissaannut Inatsisartut aalajangiiffigisassaattut siunnersuut.
(Inatsisartunut ilaasortaq Naaja H. Nathanielsen, Inuit Ataqatigiit)

Akissuteqaat

(Aningaasaqarnermut Aatsitassanullu Naalackersuisoq)

Siullermeerneqarnera

Naalackersuisut aalajangiiffigisassatut siunnersuut qujassutigaa.

Iliuutsit whistleblowerreqarnissamut aaqqissuussinertut aamma peqquserlulluni iluanaarniarnerup akiorniarneqarnissaatut ittut qitiutinneqarnissaat tassaapput Naalackersuisut anguniagaasa pingaarnerit ilaat. Nunatsinni Namminersorlutik Oqartussani peqquserlulluni iluanaarniarnerup akiorniarneqarnissaanut atatillugu politikkissap suliarineqarnerani whistleblowerimik aaqqissuussinertut ittunik pilersitsineq iliuuserineqartunut naapertuuppoq.

Nunatsinni Namminersorlutik Oqartussani whistleblowerimik aaqqissuussinerup tunngavissaa Nunatsinni Namminersorlutik Oqartussani, sulisitsisut kattuffiini allanilu tusarniaassutigineqarepoq. Whistleblowerimik aaqqissuussinerup pilersinneqarnissaanut aaqqissuussinerup tunngavissaanik nukittorsaasoq, tusarniaanermi oqaaseqaatigineqartut takutippaat.

Taassuma saniatigut tusarniaanerpup ingerlanneqarnera whistleblowerimik aaqqissuussinermik pilersitsinissamut ingerlatsinissamullu Naalackersuisut politikkeqarnerat naapertuuppoq. Tamatumunnga tunngaviuvoq, ammasumik oqaloqatigiinneq tassaammat whistleblowerimik aaqqissuussinermut atatillugu tatiginninnerup ilisimasallu pilersikkiartuaarnissaannik imaqartoq, tatiginninneq ilisimasallu tassaammata whistleblowerimik aaqqissuussinerup pilersinniarnerani ingerlanneqarnissaanilu sulinerup atatillugu tunngavissat pingaaruteqartut.

Nunatsinni Namminersorlutik Oqartussani whistleblowerimik aaqqissuussinerup pilersinniarlugu suliarineranut atatillugu inatsisit atuuttut misissoqqissaarneqarput paasiniallugu, whistleblowerimik aaqqissuussineq pilersinniarlugu inatsisit teknikikkut arlaatigut pilersitsinissamut akornutaasinnaanersut. Inatsisit teknikikkut arlaatigut aporfissaqartitsinngillat.

Nunatsinni Namminersorlutik Oqartussani whistleblowerimik aaqqissuussinerup pilersinneqarneratigut kinaassutsimik ersersitsisuunngitsumik ilisimasanik ingerlatitseqqisinnaanermut periarfissaq ammaanngassaaq. Kinaassutsimik ersersitsinngitsumik ilisimasanik ingerlatitseqqisinnaanermik whistleblowerimik internetikkut nalunaarfissamik pilersitsineq ilaatigut qulakkeerneqassaaq, tasanilu qarasaasiaq atorlugu nalunaartoqarsinnaanera periarfissinneqassalluni.

Nunatsinni Namminersorlutik Oqartussani whistleblowerimik aqqissuussinermik pilersitsiniarluni ilisimasani katersinissaq ingerlatsinissarluni Naalackersuisut qilanaaraat. Piffissamilu aalajangersimasumi nalequttumik sivilissusilimmi aqqissuussineq atuutereerpaat, aqqissuussineq nalilersorneqassaaq.

Taamatuttaaq ilisimasat katersorneqartut siunissami politikikkut aalajangigassanik nukittorsaatasaarumaarnissaat, Naalackersuisunit immikkut ittumik eqqumaffigineqarput. Tamatumunnga ilanngullugu pisortat suliffeqarfiutaanni namminersorlutillu suliffeqarfiutillit suliffiutaanni whistleblowerimik aqqissuussinerup piviusunngortinnissaanik kissaateqarnerup timitalersornissaa.

Naalackersuisut paasinninnerat naapertorlugu Naalackersuisullu suliaasaqarfimmut pineqartumut politikkiannut iliuusaannullu aalajangiiffigisassaq naapertuummat, siunnersuutip isikkumisut isikkoqartillugu Inatsisartunit akuersissutigineqarnissaa Naalackersuisut inassutigaat.